



CONCELLO DE VIGO  
Secretaría de Goberno Local

**D<sup>a</sup>. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión extraordinaria e urgente do 14 de xuño de 2023**, adoptou o seguinte acordo:

**9.- DECLARACIÓN DA XERENCIA MUNICIPAL DE URBANISMO COMO ENTE INSTRUMENTAL PARA A EXECUCIÓN DO PROGRAMA DE AXUDA ÁS ACTUACIÓNS DE REHABILITACIÓN A NIVEL DE BARRIO RELATIVO AOS ERRP NO MUNICIPIO DE VIGO, NO MARCO DO PRTR – NEXTGENERATION\_EU. EXPTE. 1715/441.**

Visto o informe de fiscalización do 13/06/2023, dáse conta do informe-proposta de data 09/06/2023, asinado polo xefe de Área de Investimentos, o xefe do Servizo Xurídico de Servizos Xerais, o concelleiro-delegado de Fomento e Servizos e pola concelleira-delegada de Economía e Fondos Europeos, que di o seguinte:

#### **I.- ANTECEDENTES:**

1.- A Xunta de Goberno Local en sesión ordinaria de 17 de febreiro de 2022, no marco do expediente 1185/441, adoptou entre outros os seguintes acordos:

- Aprobar, aos efectos de garantir a implementación das medidas que sexan necesarias en relación coa execución dos proxectos vinculados, os fondos do PLAN DE RECUPERACIÓN DE TRANSFORMACIÓN E RESILIENCIA - PROGRAMA NEXT GENERATION EU, a proposta organizativa que se conforma baixo o **PROGRAMA DE COORDINACIÓN MUNICIPAL, PLANIFICACIÓN, SEGUIMIENTO E AVALIACIÓN DE PROXECTOS FINANCIADOS CON FONDOS PRTR - PROGRAMA NEXT GENERATION EU**, de acordo coa composición e funcións establecidas no apartado II.a da proposta de informe.
- Delegar no Segundo Tenente de Alcalde e Concelleiro de Fomento e Servizos a coordinación e desenvolvemento operativo do PROGRAMA MUNICIPAL DE COORDINACIÓN, PLANIFICACIÓN, SEGUIMIENTO E AVALIACIÓN DE PROXECTOS FINANCIADOS CON FONDOS PRTR - PROGRAMA NEXT GENERATION EU, para o que, contará co apoio do “Comité Técnico de Coordinación e Planificación” que forma parte deste plan, así como o conxunto da estrutura de goberno municipal e as áreas e servizos municipais.

2.- O BOE de data 06/10/2021, publica o Real Decreto 853/2021, de 5 de outubro, polo que se regulan os programas de axuda en materia de rehabilitación residencial e vivenda social do Plan de Recuperación, Transformación e Resiliencia, que ten por obxecto o financiamento da



|                                                                                                                                                                                                  |                                            |                |
|--------------------------------------------------------------------------------------------------------------------------------------------------------------------------------------------------|--------------------------------------------|----------------|
| Copia do documento - Concello de Vigo                                                                                                                                                            | Data impresión: 06/08/2025 13:07           | Páxina 1 de 10 |
| 1715-441                                                                                                                                                                                         | CSV: A6AB89-45DFAE-BB4A8C-Y15KJ1-8TBTEL-FD |                |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                            |                |

realización conxunta de obras e actuacións de rehabilitación en edificios de uso predominante residencial e vivendas, incluídas as vivendas unifamiliares, e de urbanización ou reurbanización de espazos públicos dentro de ámbitos de actuación denominados Entornos Residenciais de Rehabilitación Programada (ERRP), previamente delimitados en concellos de calquera tamaño de poboación

3.- O Ministerio de Transportes, Mobilidade e Axenda Urbana transferiu á Comunidade Autónoma de Galicia, dentro do Investimento C02.I01 «Programa de rehabilitación para a recuperación económica e social en entornos residenciais», mediante a resolución de transferencia do 26 de outubro de 2021, a cantidade de 67.275.950 €, correspondente á anualidade de 2021 e mediante resolución do 28 de outubro de 2022 e despois de cumprir o correspondente fito, a cantidade de 40.593.525 €, equivalente ao 50% da anualidade 2022.

4.- O DOG de data 19 de xullo de 2022, publicou a RESOLUCIÓN do 8 de xullo de 2022 pola que se regula o procedemento para participar no Programa de axuda ás actuacións de rehabilitación a nivel de barrio do Plan de recuperación, transformación e resiliencia, financiado pola Unión Europea-NextGenerationEU e se abre o prazo de participación para a anualidade 2022 (código de procedemento VI406H).

5.- Vinculado a RESOLUCIÓN do 8 de xullo de 2022 pola que se regula o procedemento para participar no Programa de axuda ás actuacións de rehabilitación a nivel de barrio do Plan de recuperación, transformación e resiliencia, financiado pola Unión Europea-NextGenerationEU, dende o Concello de Vigo foron aprobadas as seguintes propostas dos ámbitos de actuación:

01. "San Roque" Expediente: 4008/431
02. "Casco Vello de Vigo" Expediente: 4001/431 .
03. "Bouzas" Expediente: 4002/431
04. "Coia" Expediente: 4003/431
05. "Casas de Santa Clara" Expediente: 4004/431
06. "Beiramar" Expediente: 4005/431
07. "Espíñeiro-Teis" Expediente: 4006/431
08. "San Pablo" Expediente: 4007/431
09. "Grupo Fenosa" Expediente: 4245/431
10. "A Salgueira" Expediente: 4246/431
11. "Gorxal" Expediente: 4247/431
12. "Descontinua de Alcalde Lavadores-Canicouva-Escolas Públicas" Expediente: 4248/431

6.- En aplicación do artigo 12.2 do Real Decreto 853/2021, con data 11 de maio de 2023 a Concelleira delegada da Área de Urbanismo e Vivenda asinou en representación do Concello de



|                                                                                                                                                                                                  |                                            |                |
|--------------------------------------------------------------------------------------------------------------------------------------------------------------------------------------------------|--------------------------------------------|----------------|
| Copia do documento - Concello de Vigo                                                                                                                                                            | Data impresión: 06/08/2025 13:07           | Páxina 2 de 10 |
| 1715-441                                                                                                                                                                                         | CSV: A6AB89-45DFAE-BB4A8C-Y15KJ1-8TBTEL-FD |                |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                            |                |



CONCELLO DE VIGO  
Secretaría de Goberno Local

Vigo o Acordo N° 33 da Comisión bilateral relativo aos Entornos Residenciais de Rehabilitación Programada delimitados no municipio de Vigo, en relación coa execución dos programas de axuda en materia de rehabilitación residencial e vivenda social do Plan de Recuperación, Transformación e Resiliencia, financiado pola Unión Europea-NextGenerationEU na Comunidade Autónoma de Galicia.

Como consecuencia da sinatura deste Acordo, este Concello de Vigo percibirá 6,4 millóns de euros destinados ó “Programa de axuda ás actuacións de rehabilitación a nivel de barrio” do Plan de Recuperación, Transformación e Resiliencia (PRTR). A execución deste programa abrangue o presente exercicio e tres máis.

Mediante o citado acordo, defínese os ERRP que van ser obxecto de subvención dentro do “Programa de axuda ás actuacións de rehabilitación a nivel de barrio” (Programa 1): San Roque, Casco Vello de Vigo, Bouzas, Coia, Casas de Santa Clara, Beiramar, Espiñeiro-Teis, San Pablo, Grupo Fenosa, A Salgueira, Gorxal, Descontinua de Alcalde Lavadores-Canicouva-Escolas Públicas.

7.- Os edificios sobre os que se prevé actuar en cada ámbito quedaron identificados mediante as referencias de rúas e portais con base nas delimitacións cartográficas achegadas polo Concello de Vigo como parte da documentación que se anexa no expediente 15170/407.

8.- Consta no expediente 15170/407, todos os antecedentes realizados dende a Xerencia Municipal de Urbanismo en relación a participación do Concello de Vigo, no PROGRAMA DE AXUDA AS ACTUACIÓNS DE REHABILITACIÓN A NIVEL DE BARRIO DO PLAN DE RECUPERACIÓN, TRANSFORMACIÓN E RESILIENCIA, FINANCIADO POLA UNIÓN EUROPEA-NEXTGENERATION-EU, así como a toma de coñecemento da sinatura do acordo nº 33 da Comisión Bilateral, celebrada o 11 de maio de 2023, relativo aos entornos residenciais de rehabilitación programada delimitados no Concello de Vigo, en relación coa execución dos “Programas de axuda en materia de rehabilitación residencial e vivenda social do plan de recuperación, transformación e resiliencia”.

8.- O Consello da Xerencia Municipal de Urbanismo do Concello de Vigo en sesión ordinaria de data 06/06/2023, acordou propoñer á Xunta de Goberno Local deste Concello de Vigo a adopción dos seguintes acordos (expte: 1571/407):

*Primeiro.- Transferir ao Organismo Autónomo “Xerencia Municipal de Urbanismo do Concello de Vigo”, con NIF P8605706D, os recursos económicos derivados da sinatura o 11.05.2023 do “Acordo N.º 33 da Comisión bilateral relativo aos Entornos Residenciais de Rehabilitación Programada delimitados no municipio de Vigo, en relación coa execución dos programas de axuda en materia de rehabilitación residencial e vivenda social do Plan de Recuperación, Transformación e Resiliencia, financiado pola Unión Europea-NextGenerationEU na Comunidade Autónoma de Galicia”, que deberán ser aplicados ao Orzamento do citado Organismo Autónomo municipal.*



|                                                                                                                                                                                                  |                                            |                |
|--------------------------------------------------------------------------------------------------------------------------------------------------------------------------------------------------|--------------------------------------------|----------------|
| Copia do documento - Concello de Vigo                                                                                                                                                            | Data impresión: 06/08/2025 13:07           | Páxina 3 de 10 |
| 1715-441                                                                                                                                                                                         | CSV: A6AB89-45DFAE-BB4A8C-Y15KJ1-8BTTEL-FD |                |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                            |                |

*Segundo.- Declarar como ente instrumental, en relación coa execución íntegra dos programas de axuda en materia de rehabilitación residencial e vivenda social do Plan de Recuperación, Transformación e Resiliencia, financiado pola Unión Europea-NextGenerationEU na Comunidade Autónoma de Galicia, ao Organismo Autónomo “Xerencia Municipal de Urbanismo do Concello de Vigo”, con NIF P8605706D, de conformidade co reparto competencial determinado polos vixentes Estatutos deste Organismo (Boletín Oficial da Provincia de Pontevedra de 06.10.2010).*

*Terceiro.- Asignar a dito Organismo Autónomo municipal o cumprimento das obrigas e principios de xestión determinados pola normativa europea e estatal reguladora dos Mecanismos de Recuperación e Resiliencia (Regulamento UE 2021/241 do Parlamento Europeo e do Consejo de 12 de febreiro de 2021 e Ordes ministeriais HFP/1030/2021 e HFP/1031/2021, ambas de 29 de setembro), explicitados no apartado III.3 da parte expositiva deste informe-proposta, sen prexuízo das funcións de dirección-supervisión que lle poidan corresponder ó ente matriz na súa condición de entidade executora.*

*Cuarto.- Comunicar á Secretaría Xeral de Fondos Europeos e a Subdirección Xeral de Coordinación e Seguimento dos fondos Next Generation EU da Consellería de Facenda e Administración Pública da Xunta de Galicia, a participación instrumental do Organismo Autónomo “Xerencia Municipal de Urbanismo do Concello de Vigo” (NIF P8605706D) nos programas de axuda en materia de rehabilitación residencial e vivenda social do Plan de Recuperación, Transformación e Resiliencia (regulados no Real Decreto 853/2021, de 5 de outubro), en concreto na execución do “Acordo N.º 33 da Comisión bilateral relativo aos Entornos Residenciales de Rehabilitación Programada delimitados no municipio de Vigo, en relación coa execución dos programas de axuda en materia de rehabilitación residencial e vivenda social do Plan de Recuperación, Transformación e Resiliencia, financiado pola Unión EuropeaNextGenerationEU na Comunidade Autónoma de Galicia”, asinado o pasado 11 de maio de 2023.”*

## II.- NORMATIVA DE APLICACIÓN E FUNDAMENTACIÓN XURÍDICA

### A.- Normativa de aplicación.

- Regulamento (UE) 2021/241 do Parlamento Europeo e do Consello, de 12 de febreiro de 2021, polo que se establece o Mecanismo de Recuperación e Resiliencia.
- Real Decreto-lei 36/2020, de 30 de decembro, polo que se aproban medidas urxentes para a modernización da Administración Pública e para a execución do Plan de Recuperación, Transformación e Resiliencia.



|                                                                                                                                                                                                  |                                            |                |
|--------------------------------------------------------------------------------------------------------------------------------------------------------------------------------------------------|--------------------------------------------|----------------|
| Copia do documento - Concello de Vigo                                                                                                                                                            | Data impresión: 06/08/2025 13:07           | Páxina 4 de 10 |
| 1715-441                                                                                                                                                                                         | CSV: A6AB89-45DFAE-BB4A8C-Y15KJ1-8TBTEL-FD |                |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                            |                |



**CONCELLO DE VIGO**  
Secretaría de Goberno Local

- Real Decreto 853/2021, de 5 de outubro, polo que se regulan os programas de axuda en materia de rehabilitación residencial e vivenda social do Plan de Recuperación, Transformación e Resiliencia.
- Orde HFP/1030/2021, de 29 de setembro, pola que se configura o sistema de xestión do Plan de Recuperación, Transformación e Resiliencia.
- Orde HFP/1031/2021, de 29 de setembro, pola que se establece o procedemento e formato da información a proporcionar polas Entidades do Sector Público Estatal, Autonómico e Local para o seguimento do cumprimento dos fitos e obxectivos e de execución orzamentaria e contable das medidas dos compoñentes do Plan de Recuperación, Transformación e Resiliencia.
- Orde HFP/55/2023, de 24 de xaneiro, relativa á análise sistemática do risco de conflito de interese nos procedementos que executen o Plan de Recuperación, Transformación e Resiliencia.
- Resolución 1/2022, de 12 de abril, da Secretaría General de Fondos Europeos, pola que se establecen instrucións a fin de clarificar a condición de entidade executora, a designación de órganos responsables de medidas e órganos xestores de proxectos e subproxectos, no marco do sistema de xestión do Plan de Recuperación, Transformación e Resiliencia.
- Resolución do 8 de xullo de 2022, da Presidencia do Instituto Galego da Vivenda e Solo da Xunta de Galicia, pola que se regula o procedemento para participar no Programa de axuda ás actuacións de rehabilitación a nivel de barrio do Plan de Recuperación, Transformación e Resiliencia, financiado pola Unión Europea-NextGenerationEU.
- Estatutos da Xerencia Municipal de Urbanismo do Concello de Vigo, aprobados na súa versión consolidada polo Pleno en data 6 de setembro de 2010 e publicados no Boletín Oficial Provincial de Pontevedra de 6 de outubro de 2010.

**B.- Obrigas do Concello de Vigo no marco do PRTR.**

En función da regulamentación establecida en materia de xestión dos fondos do Plan de Recuperación, Transformación e Resiliencia (PRTR) e do propio acordo coa administración estatal e autonómica asinado con data do 11.05.2023, para o desenvolvemento dos proxectos para Entornos Residenciais de Rehabilitación Programada delimitados no municipio de Vigo, en relación coa execución dos programas de axuda en materia de rehabilitación residencial e vivenda social do Plan de Recuperación, Transformación e Resiliencia, financiado pola Unión Europea-NextGenerationEU na Comunidade Autónoma de Galicia, vense a determinar que o Concello de Vigo ostenta a condición de "entidade executora".



|                                                                                                                                                                                                  |                                            |                |
|--------------------------------------------------------------------------------------------------------------------------------------------------------------------------------------------------|--------------------------------------------|----------------|
| Copia do documento - Concello de Vigo                                                                                                                                                            | Data impresión: 06/08/2025 13:07           | Páxina 5 de 10 |
| 1715-441                                                                                                                                                                                         | CSV: A6AB89-45DFAE-BB4A8C-Y15KJ1-8TBTEL-FD |                |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                            |                |

De conformidade co artigo terceiro, apartado 3 da Resolución 1/2022, de 12 de abril, da Secretaría General de Fondos Europeos “no ámbito local, son entidades executoras do PRTR todas as entidades locais contempladas no artigo 3 da Lei 7/1985, de 2 de abril, Reguladora das Bases de Réxime Local, que teñan asignado un subproxecto; isto é, cando reciban fondos destinados á realización de accións contempladas no PRTR, con independencia da natureza do instrumento xurídico empregado”.

En consecuencia, é entidade executora o Concello de Vigo no seu conxunto, por ter o carácter de entidade local territorial, de acordo co citado artigo 3 de Lei 7/1985.

De conformidade co artigo cuarto da propia Resolución 1/2022 da Secretaría General de Fondos Europeos (SGFE), as entidades executoras do PRTR poderán valerse de outras entidades do sector público, distintas das relacionadas no apartado anterior, para levar a cabo as accións previstas no PRTR, baixo a responsabilidade e dirección da entidade executora. Ditas entidades do sector público non terán a consideración de entidades executoras do PRTR, senón que a súa participación no mesmo terá, ós efectos do sistema de xestión establecido na Orde HFP/1030/2021, de 29 de setembro, un carácter meramente instrumental.

Por tanto, en cumprimento do previsto no artigo 4.3 da citada Resolución da SGFE, o Concello de Vigo pode asignar ó Organismo Autónomo “Xerencia Municipal de Urbanismo”, que conta con personalidade xurídica propia, a realización do “Programa de axuda ás actuacións de rehabilitación a nivel de barrio”, obxecto do “Acordo Nº 33 da Comisión bilateral relativo aos Entornos Residenciais de Rehabilitación Programada delimitados no municipio de Vigo, en relación coa execución dos programas de axuda en materia de rehabilitación residencial e vivenda social do Plan de Recuperación, Transformación e Resiliencia, financiado pola Unión Europea-NextGeneration\_EU na Comunidade Autónoma de Galicia”, asinado o pasado 11 de maio de 2023.

### C.- Obrigas derivadas da condición de entidade instrumental do Concello de Vigo:

Para a conformación da entidade instrumental do Concello de Vigo no ámbito da execución das actuacións do ERRP delimitados no municipio de Vigo, en relación coa execución dos programas de axuda en materia de rehabilitación residencial e vivenda social do PRTR, debe definir no marco dun “instrumento xurídico” os condicionantes para transferir os recursos económicos, así como todas as obrigas propias do Concello de Vigo como entidade executora coa participación dunha entidade instrumental.

A proposta contemplada no presente informe para que a Xunta de Goberno local adopte nun acordo expreso a condición de entidade instrumental a favor da Xerencia Municipal de Urbanismo do Concello de Vigo, conformase no contexto xurídico dunha encomenda de xestión,



|                                                                                                                                                                                                  |                                            |                |
|--------------------------------------------------------------------------------------------------------------------------------------------------------------------------------------------------|--------------------------------------------|----------------|
| Copia do documento - Concello de Vigo                                                                                                                                                            | Data impresión: 06/08/2025 13:07           | Páxina 6 de 10 |
| 1715-441                                                                                                                                                                                         | CSV: A6AB89-45DFAE-BB4A8C-Y15KJ1-8TBTEL-FD |                |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                            |                |



**CONCELLO DE VIGO**  
Secretaría de Goberno Local

como o “instrumento xurídico” requirido pola normativa de execución do PRTR, e no mesmo debese recoller as seguintes obrigas:

**1)** Comprometerse, con cargo ó financiamento recibido a tal fin, a realizar as accións que se lle asignen coa finalidade de axudar á entidade executora a desenvolver as medidas contidas no Plan e, en concreto, a cumprir cos fitos e obxectivos asignados como parte da Decisión de Execución do Consello (obxectivo CID 28, dentro da Compoñente 2, Investimento 01, neste caso).

**2)** Facilitar á entidade executora (Concello de Vigo) toda a información de seguimento que esta precise, e en particular, proporcionar a información que terá que subministrarse ó sistema de información de xestión e seguimento do PRTR conforme ó disposto na Orde HFP/1031/2021, de 29 de setembro, e segundo se estableza no manual de uso e funcionamento do sistema de información, Manual de usuario CoFFEE#MRR, dispoñible na páxina web da Secretaría Xeral de Fondos Europeos.

**3)** Cumprir con todos os principios transversais do Mecanismo de Recuperación e Resiliencia de acordo co Regulamento (UE) 2021/241 do Parlamento Europeo e do Consello de 12 de febreiro de 2021, e cos principios de xestión específicos do PRTR, previstos no artigo 2 da Orde HFP/1030/2021 de 29 de setembro, en especial:

- a) Seguimento e acreditación de resultado a través dos fitos e obxectivos predeterminados.
- b) Etiquetado verde e etiquetado dixital.
- c) Análise de risco en relación con posibles impactos negativos significativos no medioambiente (DNSH), seguimento e verificación de resultado sobre a avaliación inicial.
- d) Reforzo de mecanismos para a prevención, detección e corrección do fraude, da corrupción e os conflitos de interese.
- e) Compatibilidade do réxime de axudas do Estado e prevención do dobre financiamento.
- f) Identificación do perceptor final dos fondos, sexa como beneficiario das axudas ou adxudicatario dun contrato o subcontratista.
- g) Información, comunicación, publicidade e conservación da documentación.

**4)** En relación co apartado anterior (cumprimento dos principios transversais), será de obrigado cumprimento por parte da Xerencia Municipal de Urbanismo do Concello de Vigo:

- a) Deberá dispoñer dun Plan de medidas antifraude (sen prexuízo da remisión, no que proceda, ó Plan de medidas antifraude aprobado para o Concello de Vigo, mediante acordo da Xunta de Goberno Local de 11 de marzo de 2022, expediente 1185/441).



|                                                                                                                                                                                                  |                                            |                |
|--------------------------------------------------------------------------------------------------------------------------------------------------------------------------------------------------|--------------------------------------------|----------------|
| Copia do documento - Concello de Vigo                                                                                                                                                            | Data impresión: 06/08/2025 13:07           | Páxina 7 de 10 |
| 1715-441                                                                                                                                                                                         | CSV: A6AB89-45DFAE-BB4A8C-Y15KJ1-8TBTEL-FD |                |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                            |                |

- b) Deberá esixir as declaracións previstas no anexo IV da Orde HFP/1030/2021 en relación cos seguintes temas:
  - Ausencia de conflito de interese.
  - Cesión e tratamento de datos.
  - Compromiso de cumprimento de principios transversais.
- c) Deberá realizar un proceso de auto avaliación que suporá cumprimentar un test en relación coa consecución dos fitos e obxectivos, danos ambientais, conflito de intereses, prevención de fraude e da corrupción, compatibilidade do réxime de axudas, evitación de dobre financiamento e con todos os aspectos determinados na Orde HFP/1030/2021, de 29 de setembro.
- d) Deberá desenvolver as obrigas definidas no marco da Orden HFP/55/2023 de 24 de xaneiro, para a análise sistemática do risco de conflito de interese a través da Plataforma MINERVA con sede na Axencia Estatal de Administración Tributaria de España, para o cal deberán designar o “responsable de operación”, de acordo co artigo 4.2 da citada orde.

#### 5) Obrigas en relación a coordinación e seguimento das actuacións da condición de entidade Instrumental

- a) A Xerencia Municipal de Urbanismo deberá proceder a designar a figura dun “xestor instrumental” como responsable do seguimento e desenvolvemento de todos os procesos de xestión que garantan as obrigas derivadas da condición de entidade instrumental.
- e) Por parte do Concello de Vigo como entidade executora, e no marco do PROGRAMA MUNICIPAL DE COORDINACIÓN, PLANIFICACIÓN, SEGUIMENTO E AVALIACIÓN DOS PROXECTOS FINANCIADOS CON FONDOS DO PRTR- PROGRAMA NEXT GENERATION\_UE, designase na figura da Coordinación técnica do Programa Municipal para os proxectos financiados con fondos do PRTR o Xefe da Area de Investimentos do Concello de Vigo, a coordinación e seguimento das actuacións derivadas deste expediente.

### III.- PROPOSTA:

A vista da proposta aprobada polo Consello de Xerencia da Xerencia Municipal de Urbanismo do Concello de Vigo, en sesión ordinaria do día 06/06/2023, en relación a DECLARACIÓN DA XERENCIA MUNICIPAL DE URBANISMO COMO ENTE INSTRUMENTAL NA EXECUCIÓN PLAN DE RECUPERACIÓN, TRANSFORMACIÓN E RESILIENCIA FINANCIADO CON FONDOS NEXTGENERATION\_EU. EXPTE. 15713/407, e de todas as consideracións recollidas neste informe, e



|                                                                                                                                                                                                  |                                            |                |
|--------------------------------------------------------------------------------------------------------------------------------------------------------------------------------------------------|--------------------------------------------|----------------|
| Copia do documento - Concello de Vigo                                                                                                                                                            | Data impresión: 06/08/2025 13:07           | Páxina 8 de 10 |
| 1715-441                                                                                                                                                                                         | CSV: A6AB89-45DFAE-BB4A8C-Y15KJ1-8TBTEL-FD |                |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                            |                |



CONCELLO DE VIGO  
Secretaría de Goberno Local

previo informe da Intervención Xeral, formúlase á Xunta de Goberno Local, en uso das facultades que lle confire a lexislación vixente, a seguinte

**PROPOSTA:**

**Primeiro:** Declarar como ente instrumental, en relación coa execución íntegra dos programas de axuda en materia de rehabilitación residencial e vivenda social do Plan de Recuperación, Transformación e Resiliencia, financiado pola Unión Europea-NextGenerationEU na Comunidade Autónoma de Galicia,

**Segundo:** Transferir ao Organismo Autónomo “Xerencia Municipal de Urbanismo do Concello de Vigo”, con NIF P8605706D, os recursos económicos derivados da sinatura o 11.05.2023 do “Acordo N.º 33 da Comisión bilateral relativo aos Entornos Residenciales de Rehabilitación Programada delimitados no municipio de Vigo, en relación coa execución dos programas de axuda en materia de rehabilitación residencial e vivenda social do Plan de Recuperación, Transformación e Resiliencia, financiado pola Unión Europea-NextGenerationEU na Comunidade Autónoma de Galicia”, que deberán ser aplicados ao Orzamento do citado Organismo Autónomo municipal.

**Terceiro:** Asignar a dito Organismo Autónomo municipal o cumprimento das obrigas e principios de xestión determinados pola normativa europea e estatal reguladora dos Mecanismos de Recuperación e Resiliencia (Regulamento UE 2021/241 do Parlamento Europeo e do Consello de 12 de febreiro de 2021 e Ordes ministeriais HFP/1030/2021 e HFP/1031/2021, ambas de 29 de setembro, Orden HFP/55/2023 de 24 de xaneiro), explicitados no apartado **II.C** da parte expositiva deste informe-proposta, sen prexuízo das funcións de dirección-supervisión que lle poidan corresponder ó ente matriz na súa condición de entidade executora.

**Cuarto:** Comunicar á Secretaría Xeral de Fondos Europeos e a Subdirección Xeral de Coordinación e Seguimento dos fondos Next Generation EU da Consellería de Facenda e Administración Pública da Xunta de Galicia, a participación instrumental do Organismo Autónomo “Xerencia Municipal de Urbanismo do Concello de Vigo” (NIF P8605706D) nos programas de axuda en materia de rehabilitación residencial e vivenda social do Plan de Recuperación, Transformación e Resiliencia (regulados no Real Decreto 853/2021, de 5 de outubro), en concreto na execución do “Acordo N.º 33 da Comisión bilateral relativo aos Entornos Residenciales de Rehabilitación Programada delimitados no municipio de Vigo, en relación coa execución dos programas de axuda en materia de rehabilitación residencial e vivenda social do Plan de Recuperación, Transformación e Resiliencia, financiado pola Unión EuropeaNextGenerationEU na Comunidade Autónoma de Galicia”, asinado o pasado 11 de maio de 2023.”



|                                                                                                                                                                                                  |                                            |                |
|--------------------------------------------------------------------------------------------------------------------------------------------------------------------------------------------------|--------------------------------------------|----------------|
| Copia do documento - Concello de Vigo                                                                                                                                                            | Data impresión: 06/08/2025 13:07           | Páxina 9 de 10 |
| 1715-441                                                                                                                                                                                         | CSV: A6AB89-45DFAE-BB4A8C-Y15KJ1-8TBTEL-FD |                |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                            |                |

**Quinto:** Dar conta do presente acordo á Xerencia Municipal de Urbanismo así como a Concellería de Xestión municipal ós efectos de publicidade

**ACORDO**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.

O ALCALDE,  
Abel Caballero Álvarez.



|                                                                                                                                                                                                  |                                            |                 |
|--------------------------------------------------------------------------------------------------------------------------------------------------------------------------------------------------|--------------------------------------------|-----------------|
| Copia do documento - Concello de Vigo                                                                                                                                                            | Data impresión: 06/08/2025 13:07           | Páxina 10 de 10 |
| 1715-441                                                                                                                                                                                         | CSV: A6AB89-45DFAE-BB4A8C-Y15KJ1-8TBTEL-FD |                 |
| Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a> |                                            |                 |